



**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ԱՐՄԱՎԻՐԻ ՄԱՐԶԻ ՆԱԼԲԱՆԴՅԱՆ
ՀԱՄԱՅՆՔԻ ՂԵԿԱՎԱՐ**

ԳԳ Արմավիրի մարզի Նալբանդյան համայնք, 4-րդ պող., 2-րդ շենք
Էլ. փոստ nalbandyan.armavir@mta.gov.am

**ՀՀ ԱՐՄԱՎԻՐԻ ՄԱՐԶԻ ՆԱԼԲԱՆԴՅԱՆ ԳՅՈՒՂԱԿԱՆ ՀԱՄԱՅՆՔԻ
ՂԵԿԱՎԱՐ՝ Գ. ՄԿՐՏՉՅԱՆԻ
2018 ԹՎԱԿԱՆԻՆ ԿԱՏԱՐԱԾ ԱՇԽԱՏԱՆՔՆԵՐԻ**

Հ Ա Շ Վ Ե Տ Վ ՈՒ Թ Յ ՈՒ Ն

08.01.2018թ. Ժամը 14.00

Մասնակցում են ՀՀ Արմավիրի մարզպետարանի -----
-----ը, համայնքի ավագանին և համայնքի 170 բնակիչներ:

Հայաստանի Հանրապետության Արմավիրի մարզի Նալբանդյան համայնքի համայնքապետարանի ղեկավարը, ղեկավարվելով Հայաստանի Հանրապետության Սահմանադրությամբ, ՀՀ օրենսդրությամբ, „Տեղական ինքնակառավարման մասին,, „Իրավական ակտերի մասին,, ՀՀ օրենքներով, համայնքի ղեկավարի աշխատակազմի, ավագանու և համայնքապետարանի ենթակայության ՀՈԱԿ-ների աշխատակիցների միջոցով իրականացրել է իրեն վերապահված իրավասությունների շրջանակներում՝ իր լիազորությունները:

2018 թվականին գյուղապետարանի աշխատանքային ծրագրի հիմքում դրված է եղել գյուղի սոցիալ-տնտեսական զարգացման հնգամյա ծրագիրը: Հիմնական նպատակը համայնքի բնակչության կենսամակարդակի բարձրացումն է, որին հասնելու ճանապարհին սահմանվել են կարևորագույն սոցիալ-տնտեսական խնդիրները, որոնք էլ անհրաժեշտ են եղել լուծել 2018 թվականի ընթացքում: Այդ խնդիրների լուծման համար կարևորագույն պայման է հանդիսացել Արմավիրի մարզպետի, մարզպետարանի աշխատակազմի և համայնքի ավագանու ամենօրյա հոգատար վերաբերմունքը և համայնքի խնդիրների լուծմանն աջակից լինելու պատրաստակամությունը, որի արդյունքում արձանագրվել է որոշակի հաջողություններ, որոնք ըստ բնագավառների ներկայացնում եմ Ձեզ:

**ԳՅՈՒՂԱՏՆՏԵՍՈՒԹՅԱՆ ԵՎ ԲՆԱՊԱՀՊԱՆՈՒԹՅԱՆ
ԲՆԱԳԱՎԱՌ**

Համայնքապետը և աշխատակազմը համակարգված ձևով աջակցում են համայնքի բնակչության գյուղատնտեսական աշխատանքների իրականացմանը, ինչպես նաև

գյուղ.մթերքների իրացմանը: Հետևողական աշխատանք է տարվել ոռոգման ջրի մատակարարման աշխատանքներին բարելավելու ուղղությամբ:

Գյուղն ունի իր առանձնահատկությունները՝ հիմնականում զբաղվում են հողագործությամբ ու անասնապահությամբ: Կան նաև չմշակված հողատարածքներ, որի հիմնական պատճառներն են՝

1. Հողի սեփականատերերը բացակայում են համայնքից,

2. Բնակչության ֆինանսական դժվարությունները:

Ուշադրության կենտրոնում է պահվել աճեցված բերքի իրացման աշխատանքները, գյուղատնտեսական մշակաբույսերի վնասատուների դեմ պայքարի աշխատանքները, ինչպես նաև պարբերաբար կատարվել է ներտնտեսային ոռոգման ցանցի մաքրման աշխատանքները:

Անմիջական հսկողություն է իրականացվել անասնաբուժական ծառայության իրականացման գործում. ժամանակին կատարվում է բոլոր հակահամաճարակային միջոցառումները, կենդանիների հիվանդությունների կանխարգելման ուղղությամբ:

Հետևողական և մշտական հսկողություն է սահմանվում հանձնաժողովի կողմից առևտրի, հասարակական սննդի և կենցաղային ծառայությունների ոլորտում գործող օբյեկտների գործունեության վրա: Ներկայումս համայնքում գործում է 10 առևտրի ծառայության օբյեկտներ:

ՀՈՂԱՇԽՆՈՒԹՅԱՆ ԵՎ ՀՈՂՕԳՏԱԳՈՐԾՄԱՆ ԲՆԱԳԱՎԱՌ

Ամենօրյա ուշադրության կենտրոնում է գտնվել և օրենքով սահմանված կարգով վերահսկողություն է իրականացվել հողերի նպատակային օգտագործման , ինչպես նաև ընդերք օգտագործման վրա: Ամենօրյա աշխատանք է տարվել հողօգտագործողների հետ հողի հարկի , գույքահարկի գծով գոյացած ապառքների հավաքագրման ուղղությամբ:

2018 թվականի ձմռան ցրտահարության պատճառով ծանր կացության մեջ ընկան համայնքի բնակիչները, որը բացասաբար անդրադարձավ հարկերի և տուրքերի զանձման աշխատանքների վրա:

ՔԱՂԱՔԱՇԽՆՈՒԹՅԱՆ ԵՎ ԿՈՄՈՒՆԱԼ ՏՆՏԵՍՈՒԹՅԱՆ ԲՆԱԳԱՎԱՌ

Կառավարության սահմանած կարգով վերահսկողություն է իրականացվել համայնքի քաշաքաշինական գործունեության նկատմամբ:

Քաղաքացիների դիմումների հիման վրա կատարվել է հողամասերի չափագրման և սահմանների ճշգրտման աշխատանքներ, տրվել են ճշտված իրավիճակային հատակագծեր:

Պարբերաբար կատարվել է խմելու ջրի ջրագծերի վթարների հայտնաբերման և վերացման աշխատանքներ:

Սահմանվում է հսկողություն խմելու ջրի որակի, ինչպես նաև վարակազերծման ուղղությամբ :

Շաբաթը 2 անգամ կատարվում է աղբահանություն, որը ապահովվում է գյուղտեխնիկա ունեցող համայնքի բնակիչների, ինչպես նաև համայնքապետարանի կողմից հատկացված տեխնիկայի միջոցով :

ՄՇԱԿՈՒՅԹԻ ԵՎ ԵՐԻՏԱՍԱՐԴՈՒԹՅԱՆ, ԿՐԹՈՒԹՅԱՆ, ԱՌՈՂՋԱՊԱՀՈՒԹՅԱՆ, ՍՊՈՐՏԻ, ՍՈՑԻԱԼԱԿԱՆ ԾԱՌԱՅՈՒԹՅԱՆ ԲՆԱԳԱՎԱՌ

Համայնքում գործում է 1 միջնակարգ դպրոց:

Աշակերտների թիվը՝ 465:

Աշխատողների թիվը 61-ը, որից ուսուցիչներ՝ 50:

Համայնքապետարանի ուշադրության կենտրոնում է դպրոցը: Կրթության որակը գտնվում է բարձր մակարդակի վրա:

Համայնքապետարանի նախաձեռնությամբ կազմակերպվել է տարբեր միջոցառումներ՝ որոնց կազմակերպման համար համայնքի բյուջեից հատկացվել է անհրաժեշտ գումար: Կազմակերպվել է Նոր-տարվա տոնական միջոցառում՝ մշակույթի տանը, գյուղի երաժշտական դպրոցի, պարի խմբի երեխաների մասնակցությամբ և գյուղապետարանի ֆինանսավորմամբ: Աշնան անձրևներից հետո, գյուղամիջյան ճանապարհների անմխիթար վիճակը կայունացնելու համար կատարվել է այդ ճանապարհների հրում-հարթեցում և ավազապատում:

Մեծ ուշադրություն է դարձվում թոշակառուներին և երիտասարդության հետ տարվող աշխատանքներին՝ նրանց հանգիստը նորմալ կազմակերպելու նպատակով:

Կազմակերպվել է տարբեր միջոցառումներ հանրապետության տոնի օրվան նվիրված, Սահմանադրության ընդունման, Հայաստանի Հանրապետության անկախության օրվան նվիրված, ծաղկեպսակներ է դրվել հայրենական մեծ պատերազմում և արցախյան ազատամարտում զոհվածների հուշարձանին :

Ուշադրության կենտրոնում է գտնվում ֆիզկուլտուրայի և սպորտի զարգացումը:

Համայնքապետի ամենօրյա ուշադրության կենտրոնում է նաև առողջապահության ոլորտը:

Համայնքապետարանը աջակցում է սանիտարահիգիենիկ վիճակի բարելավմանը, հակահամաճարակային միջոցառումների իրականացմանը:

Վերահսկում է առողջապահական հիմնարկի աշխատանքները :

Համայնքում գործում է «Խնամակալության և հոգաբարձության», հանձնաժողով, որի հիմնական խնդիրը խնամքից և ուշադրությունից դուրս մնացած երեխաների հայտնաբերումն ու դաստիարակումն է : Սակայն համայնքում նման երեխաներ չկան:

Ուշադրության կենտրոնում են գտնվում սոցիալապես անապահով ընտանիքները , սոցիալապես անապահով 51 ընտանիքների ավտոմեքենաների գույքահարկը զիջվել է:

Համայնքում հաշվառված են 385 թոշակառուներ այդ թվում 332 ծերության և աշխատանքային , 4-ը կերակրողը կորցնողի, 21-ը հաշմանդամության : Նպաստառու ընտանիքների թիվը կազմում է 75: Թոշակները և նպաստները տրվում են ժամանակին :

Համայնքում բարձր է պատախանատվությունը՝ զորակոչիկների հաշվառման և զորակոչի կազմակերպման նկատմամբ : Զորակոչից խուսափողներ չկան :

Համայնքի տնտեսությունների թիվը 864 է, բնակչության թիվը՝ 4410 մարդ,

գյուղատնտեսության մեջ զբաղվում են 2250 մարդ:

2018 թվականի ընթացքում համայնքում ծնվել են 41 երեխա , մահացել՝ 30 մարդ:

ՖԻՆԱՆՍԱԿԱՆ ԲՆԱԳԱՎԱՌ

2018 թվականի ընթացքում հավաքագրվել է եկամուտներ`

հազար դրամ

N	Անվանումը	2018թ. հաշվետվություն		Կատարողական %
		Պլան	Փաստացի	
1	հողի հարկ	27000.0	3167.3	11.7
2	գույքահարկ	9101.2	1896.5	20.8
3	տեղական տուրքեր	300.0	0	0
4	ոչ հարկային եկամուտներ	7800.0	2273.1	100
5	պետ.բյուջեից տրամադրվող դոտացիա	52313.8	52313.8	100
6	Պետ. Բյուջեից տրամադրվող նպատակային հատկացումներ/սուբվենցիաներ/	1166.9	1166.9	
7	Վարչական իրավախախտումների պատժամիջոցներից եկամուտներ		106.6	
8	Դատական որոշման կատարում			
	ընդամենը վարչական բյուջե	97681.9	60924.2	62.4

Եկամուտների գծով պլանը կատարվել է 62.4 %-ով, մուտքագրված եկամուտները ծախսվել են հետևյալ ուղղություններով:

2018 թվական

հազար դրամ

Ծախսային մաս

2018 թվական			
N	ծախսերի անվանումը	պլան	փաստացի
1	Տեղական ինքնակառավարում	35900.0	27247.0
2	Համայնքային այլ ծառայություններ	950.0	559.4
3	Մշակույթ, սպորտ և ռադ.հեռ.հաղ.	8970.0	7113.1
4	Կրթություն	20061.9	13258.9
5	Բնակկոմունալ տնտեսություն		
6	Ջրամատակարարում	16900.0	11539.3
7	Սոց.օգնություն	6400.0	1000.0

8	Նվիրատվություն	500.0	0
9	Պահուստային ֆոնդ	4000.0	0
10	Վարչ.բյուջ.հատկացում ֆոնդ.	0	0
11	Ճանապարհների վերանորոգում	4500.0	0
	Սարքեր և սարքավորումների ձեռք բերում		
	Ընդամենը	97681.9	60717.7

„Քաղաքացիների առաջարկությունների, դիմումների և բողոքների քննարկման կարգի մասին,, ՀՀ օրենքի 7-րդ հոդվածի պահանջի համաձայն, Նալբանդյանի համայնքապետարանում 2018թ.-ի ընթացքում ստացվել է 53 դիմում:

Դիմումներում բարձրացվել են սոցիալական, ֆինանսական, հողային, շինարարության և այլ բնույթի հարցեր, որոնք սահմանված կարգով քննարկվել են և տրվել են պատշաճ լուծումներ:

Ընթացիկ ժամանակահատվածում գյուղապետարանի աշխատակիցների փաստացի թվաքանակը կազմել է 13 մարդ , որից 10-ը համայնքային ծառայողներ:

2018 թ.-ի ընթացքում համայնքի ավագանին զումարել է 12 հերթական և արտահերթ նիստ, որտեղ քննարկվել են համայնքի խնդիրներին վերաբերող տարբեր բնույթի հարցեր, և կայացվել են որոշումներ:

ՀԱՄԱՅՆՔԻ ՀԻՄՆԱԽՆԴԻՐՆԵՐ

Թեև համայնքի բյուջեով նախատեսված է սոցիալ-տնտեսական զարգացման և որոշ ուղղություններով իրականացված միջոցառումներ, սակայն կան հիմնախնդիրներ, որոնց լուծումը հնարավոր չէ իրականացնել միայն համայնքի միջոցներով:

ԱՌԱՋՆԱՅԻՆ ԵՎ ՀԱՄԱՅՆՔԻ ՀԱՄԱՐ ԳԼԽԱՎՈՐ ԽՆԴԻՐՆԵՐԻՑ Է

1. Մանկապարտեզի և խաղահրապարակի շինարարության ավարտում և գույքի ձեռք բերում
2. Խմելաջրի ցանցի հիմնանորոգում
3. Դաշտամիջյան խորքային հորերի վերագործարկում՝ որով կլուծվի հողատարածքների ոռոգման հարցը
4. „Զաթաղ,, ջրատարի կիսախողովակների անցկացում
5. Մշակույթի տան ջեռուցման համակարգի անցկացում:

ՈՒՂԵՐՁ

Նալբանդյան գյուղական համայնքի ընդհանուր ժողով

ՀԱՐԳԱՐԺԱՆ ՊԱՐՈՆ ՄԱՐԶՊԵՏ`

Համայնքի ընդհանուր ժողովում բնակիչների և ավագանու կողմից հարց բարձրացվեց ուղերձով դիմել Ձեզ`

1. Բնակավայրի ներսում գտնվող „Զաթաղ,, կոչվող ջրատարի կիսախողովակների անցկացում:
2. Խորքային հորերի վերագործարկում `որով կլուծվի հողատարածքների ոռոգման հարցը:
3. Խմելաջրի ցանցի հիմնանորոգում
4. Մանկապարտեզի ջեռուցման անցկացում և գույքի ձեռքբերում:

Խնդրվում է Ձեր միջնորդությունը` առաջացած խնդիրների լուծման ուղղությամբ:

ՆԱԼԲԱՆԴՅԱՆ ՀԱՄԱՅՆՔԻ ՂԵԿԱԿԱՐ` /...../ Գ. ՄԿՐՏՉՅԱՆ